

IA

DIVERS.
TRAICTES.
HISTOR.


IA

IA

IA

IA





OE xv
754

Pièce 1 -	Daunou	381 -	
2 -	-	912 -	Pellechet 4168 ^{bis} =
3 -	-	915	- 4618
4 -	-	913	
5 -	-	914	- 3899
6 -	-	916	
7 -	-	917	
8 -	-	918.	

Toutes les autres pièces sont du XVI^e siècle.

EXV 754 p. verte

ancien L 4° 463

Relure aux armes de
De Mon avant
les deux mariages

OE xv
754

16 17
15
LA
PRINSE
de Pauie

Par Monseigneur d'Anguien, accompagné
du Duc d'Urbain, & de plusieurs au-
tres Capitaines, enuoyez par
le Pape.



LA
PRISE

de Paris

Par Monsieur de la Roche, accompagnant
de D. N. N. de plusieurs autres

et de plusieurs autres

le Pape.





LE Mercredi uingtuy-
tiesme Iour de May de
ceste presente Année,
Mil cinq cens . xliiij. le
Iour de la feste sainct
Germain dernier passé,
fut prinse la Ville &
Cité de Pauie en la Du-
ché de Milan, par mon-
seigneur d'Anguien, ayant la charge du Roy nostre
Sire comme son lieutenant general dela les Montz, la-
quelle Ville fut prinse en la maniere qui sensuyt.

Ledict Seigneur arriué deuant ladicte Ville de
Pauie & Chasteau d'icelle avecq sa noble, belliqueuse,
& triumpante compaignie, d'ung magnanime couraige
meit son Camp & Armée en telle disposition & or-
donnance qu'il appartient en tel cas, & comme aussi il le
scayt bien faire: faict dresser & eriger son Artillerie
en lieu propice & conuenable uers ladicte Ville &
Chasteau pour icelle batre: Laquelle Ville & Chasteau
fait assaillir impetueusement, & batre par continuelle
diligence de telle sorte quen bres y furent faictes Bres-
ches & passaiges suffisantz pour y entrer. Lors ledict

Prince, mieulx ressemblant par ses faictz, à ung Cesar
qu'à nul aultre feit donner ung merueilleux & terrible
assault, pour lequel conduyre, furent commys les Sei-
gneurs de Boutieres, de Tays, de Termes, & plusieurs
aultres uailhans personaiges, avecq eulx de dix à douze
Mil hommes pour faire la poincte & entrée en ladicte
Ville: lequel assault fut si impetueux tant d'une part
comme de l'autre, que proprement on ne scauoit à qui
dōner le meilleur. Là uous eust semblé ueoir ung Grec,
ung Troyen, ung Rommain, ung Carthagien: uoie
uous eust semblé estre ressuscitée une fleur des Cheua-
liers de long tēps inhumex, desquelz les Liures sont tous
plaines de leurs proesses & uailhances. Mais apres auoir
esté ledict Lieu par les nostres bien assailly, & par noz
aduersaires bien deffendu, le bon Seigneur Dieu qui
gouuerne toutes choses, nous regardant de l'oeil de sa
doulce misericorde, en ung instant dōna si bon couraige
à noz gens qu'ilz eurent triumpante uictoire de ce la-
borieux trauail, & furēt en possession de ladicte Vil-
le & Chasteau de Pauie, nonobstant quelque repulsion
qu'ayeut sceu faire noz inueterex ennemys.

En ce conflict & dur Assault, moururēt desdictz
Ennemys enuiron de sept à huict Mil, & bien peu de

16. 17.
noz gens, sans ung grand nombre de Prisonniers, de la
ranson desquelz, plusieurs de noz Souldars se sont enri-
chiz, avecq aultres despouilles q lon a coustume de faire
en telles prinse.

Après ceste ioyeuse & triumpante Victoire bel-
liqueuse, se partit l'exercice du Roy, de ladicte Ville
de Paue pour tirer uers une petite Ville pres de là,
lequel faisoit merueilleusement bõ ueoir marcher, & en
belle ordonnance: Bon faisoit ueoir les Enseignes, Gui-
dons, & Estandartz uolleter au uent: Bon faisoit ouyr
les Cheuaulx hannyr, eulx delectantz au son des Trom-
pettes, Phifres, Tabourins, & aultres Instrumentz
delectables en tel estat: Bon faisoit ueoir marcher la
Gendarmerie: les Cheuaulx legiers faisoient plusieurs
courses deca & dela sur les Ennemys au grand preiu-
dice diceulx, Et d'autre part n'estoit point chose dif-
forme de ueoir noz Aduanturiers & Italiens mar-
cher en bataille: Bref c'estoit toute chose triumpante
à ueoir.

Marchant le Camp & Exercice en la maniere des
susdicte, alloit apres mondict Seigneur d'Anguien,
non moins fauorisé de Vertu que d'heureuse fortune,
accompagné du noble Duc d'Vrbin & aultres hon-

nestes & grands personaiges, dont ne scay les noms,
qui marchoyent d'une maniere si couraigeuse, & en si
bel ordre qu'il n'estoit possible mieulx.

Daduantage le dict Prince d'Anguien, affin que
ses gens ne tombassent en desarroy, & pour mieulx eui-
ter aulcunes surprinses & inconueniens qui souuent ad-
uiennent en ung Camp à faulte de bonne conduicte,
meit & ordonna sur champs, Officiers & Com-
missaires expres, pour tousiours faire deli-
urer & amener Viures au Camp, en-
semble toute aultre chose necessaire,
& conuenable à son armée, pour
uenir à fin de ses entreprinses:

Lesquelles, Dieu uueille
permectre acheuer au
proffict & hōneur
du Royaulme.

BALADE

Faictte à la Faueur du Roy nostre Sire, pour
animer les bons Capitaines, & gens de
Guerre pour obtenir Victoire
contre noz Ennemys.

Roy triumpgant, Francoys cheualeureux
Chef des Francoys, secours des ualeureux
Auquel est deu le tribut de proësse,
Source des bons, confort des douloureux,
Reliefuement des pauvres malheureux,
Que par mainctz lieux, indigence trop blesse:
Cest à ce coup, qu'il fault uostre noblesse
Prudentement escripre: & mectre en coche
Tous uoz souldartz, par region espesse
Ains que Cueur lasche, aulcung des uoz abaisse
Marchez, marchez, uous en auez la force.

Pour amollir les felons orgueilleux
Tirannisantz uoz terres, & uoz lieux
Et pour oster uoz subgectz de rudesse
Passer uous fault des lieux fort tenebreux,
Lesquelz on dict estre bien dangereux:
Mais en despit de toute controuerse

Le temps uiendra, qu'on dira quel' chose est ce
Qui aux beaulx faictz des Francoys faict approche
Puis que raison, tous leurs affaires dresse
Et par tous lieux, faict croistre leur haultesse
Marchez, marchez, uous en auez la force.

Gectez aux champs uoz Guydons sumptueux
Voz Goufanons, uoz Souldartz uertueux,
Prince puissant, tout remply de saigesse
Par bon conseil, uous serez fructueux
Anichillant le cueur impetueux
De l'Empereur uostre partie aduersse:
Faictes tumber Ennemys à lenuersse
Car le Dieu Mars, regner sur eulx s'efforce
Et Saturnus, cruel breuuaige uerse:
Quoy que l'emprinsse en soit ung peu diuersse
Marchez, marchez, uous en auez la force.

Prince Royal, puis que Venus on laisse
Pour le Dieu Mars, que uous tenez sans cesse
Gardez le bien, qu'aulture part ne s'acroe
Mais tant qu'il est soubz uostre main en presse
Dictes à tous de uolunté expresse
Marchez, marchez, uous en auez la force.

F I N.

cm 1 2 3 4 5 6 7 8 9 10 11 12 13 14

cm

1

2

3

4

5

6

7

8

9

10

11

12

13

14

15

16

17

18

19

